

ভারি বর্ষণ : বাউবির ২৫ আগস্টের এইচএসসি পরীক্ষা স্থগিত

নিজস্ব প্রতিবেদক



বাংলাদেশ উন্মুক্ত বিশ্ববিদ্যালয়

ভারি বর্ষণ ও প্রাকৃতিক দুর্যোগের কারণে বাংলাদেশ উন্মুক্ত বিশ্ববিদ্যালয়ের
অনুষ্ঠিতব্য এইচএসসির এক দিনের পরীক্ষার সময়সূচি পরিবর্তন করা হয়েছে।
বাকি পরীক্ষা পূর্বনির্ধারিত সময়সূচি অনুযায়ী চলমান থাকবে।

আজ বৃহস্পতিবার বাউবির ভারপ্রাপ্ত পরিচালক ড. আ ফ ম মেজবাহ উদ্দিন
স্বাক্ষরিত এক বিজ্ঞপ্তিতে এ তথ্য জানানো হয়েছে।

বিজ্ঞপ্তিতে বলা হয়, ভারি বর্ষণ ও প্রাকৃতিক দুর্যোগের কারণে বাউবির ২৫
আগস্টের এইচএসসি পরীক্ষা স্থগিত করা হয়েছে।

স্থগিতকৃত পরীক্ষা আগামী ৬ অক্টোবর অনুষ্ঠিত হবে। অন্যান্য পরীক্ষা পূর্বঘোষিত সময়সূচি অনুযায়ী যথারীতি অনুষ্ঠিত হবে। এ ছাড়া ব্যবহারিক পরীক্ষা ৭ থেকে ১৪ অক্টোবরের মধ্যে সম্পন্ন করার জন্য পরীক্ষা বিভাগ সূত্রে বলা হয়েছে। স্ব স্ব পরীক্ষা কেন্দ্রে ব্যবহারিক পরীক্ষা অনুষ্ঠিত হবে।